

O ESCRITOR NA SÚA TERRA

A Homenaxe *O Escritor na súa Terra*, impulsada pola Asociación de Escritoras e Escritores en Lingua Galega (AELG), chega este ano á súa XVIII Edición recaendo, por decisión unánime da súa Asemblea de Socios e Socias, na figura de **Xavier Rodríguez Baixeras**, que será homenaxeado na vila da súa infancia, **Ribadeo**.

Esta iniciativa anual conforma xa unha tradición na traxectoria da Asociación, e tense constituído ao longo de década e media como unha celebración na que a terra de orixe do homenaxeado/a cobra un protagonismo fundamental. É vontade da AELG honrar **escritores/as** procurando o contacto directo co autor/a e a súa implicación persoal na xornada de homenaxe.

Unha celebración múltiple e popular na que se vén recoñecendo a entidade literaria de insignes figuras das nosas letras, a través dunha serie de eventos como a entrega do galardón *Letra E de escritor/a* (unha peza escultórica asinada por un/ha recoñecido/a artista galego/a, neste caso Silverio Rivas), a **plantación dunha árbore simbólica** (unha palmeira elixida polo propio autor), a colocación **dun monólito conmemorativo** e a atribución do nome do homenaxeado a un **espazo público ou infraestrutura cultural**, neste caso a un parque que linda co Forte de San Damián.

ANTERIORES MERECEDORES DESTE GALARDÓN

- **I** Edición · 1995 · Boa, Taramancos
ANTÓN AVILÉS DE TARAMANCOS
- **II** Edición · 1996 · Cangas do Morrazo
BERNARDINO GRAÑA
- **III** Edición · 1997 · Outeiro de Rei
MANUEL MARÍA
- **IV** Edición · 1998 · Vigo
MARÍA XOSÉ QUEIZÁN
- **V** Edición · 1999 · Gres, Vila de Cruces
XOSÉ NEIRA VILAS
- **VI** Edición · 2000 · Parada do Courel
UXÍO NOVONEYRA (póstumo)
- **VII** Edición · 2001 · Ribadeo
LUZ POZO GARZA
- **VIII** Edición · 2002 · Vilalba
XOSÉ CHAO REGO
- **IX** Edición · 2003 · Nogueira de Ramuín
XOSÉ FERNÁNDEZ FERREIRO
- **X** Edición · 2004 · Teis, Vigo
SALVADOR GARCÍA-BODANO
ZUNZUNEGUI
- **XI** Edición · 2005 · Ourense
PURA E DORA VÁZQUEZ
- **XII** Edición · 2006 · Vigo
MARÍA DO CARME KRUCKENBERG
- **XIII** Edición · 2007 · O Valadouro
MANUEL LOURENZO
- **XIV** Edición · 2008 · Melide
XOSÉ VÁZQUEZ PINTOR
- **XV** Edición · 2009 · Vilalba
AGUSTÍN FERNÁNDEZ PAZ
- **XVI** Edición · 2010 · Santiago de Compostela
MARILAR ALEIXANDRE
- **XVII** Edición · 2011 · Lugo
PACO MARTÍN

PROGRAMA DE ACTOS

11.30 horas**Parque “Os Canapés” (O Xardín)**

Plantación da palmeira (árbore simbólica do escritor) e descubrimento do Monólito conmemorativo dedicado ao homenaxeado.

INTERVEÑEN:

- Cesáreo Sánchez Iglesias
Presidente da AELG
- Mari Luz Álvarez Lastra
Concelleira de Cultura, Educación e Igualdade
- Xavier Rodríguez Baixeras

12.30 horas**Salón de Plenos da Casa do Concello de Ribadeo**, rúa Praza de España, 1.

Acto de entrega da letra E.

INTERVEÑEN:

- Fernando Suárez Barcia
Alcalde de Ribadeo
- Mercedes Queixas Zas
Secretaria Xeral da AELG
- Cesáreo Sánchez Iglesias
Presidente da AELG
- Xosé María Álvarez Cáccamo:
laudatio.
- Entrega da peza escultórica do artista Silverio Rivas.
- Intervención do homenaxeado: resposta á laudatio por parte de Xavier Rodríguez Baixeras.

13.45 horas**Visita ao Parque Xavier Rodríguez Baixeras (zona do Cargadeiro).****14.30 horas****Xantar de Confraternidade.**

Aberto aos socios/as da AELG, á vecindade de Ribadeo e demais persoas interesadas.
Restaurante “O Cabazo”, rúa Río do Amalló, 1.

O ESCRITOR NA SÚA TERRA

HOMENAXE A XAVIER RODRÍGUEZ BAIXERAS

A

biografía nómade de Xavier Rodríguez Baixeras (Tarragona, 1945), o seu tránsito de habitante en diferentes cidades e países, a procura do centro estábel nalgún punto da rosa dos ventos —maiormente a Beira Norte, a Mariña, de Ribadeo a Nois—, conforman constantes existenciais que alicerzan o edificio da súa

escrita, asentada sobre os símbolos da Viaxe e a Casa, arquetipos dinámicos en constante interacción complementaria.

Desde os seus inicios foi construíndo o poeta un código de singular estilo, caracterizado pola tensión das solucións formais, a perspectiva interrogante e asombrada, o exercicio dunha ollada simbólica e arquetípica que se expresa en pronuncia natural, certo efecto de estrañeza producido polo equilibrio entre a visión onírica e o deseño figurativo e o dominio absoluto das técnicas rítmicas e musicais. Xavier Rodríguez Baixeras, figura máxima da xeración poética dos 80, poeta fundamental na historia completa da Poesía, mestre de coetáneos e herdeiros, foi labrando na súa obra un dos discursos máis transcendentales e reveladores da contemporaneidade.

A singularidade da súa voz e do seu estilo procede da actitude ética e temperamental de quen mantén unha moi consciente orientación de independencia, moi afastado sempre da norma gregaria, aínda que comprometido tamén coas causas colectivas da xustiza e a fraternidade, desde a esquerda, desde o nacionalismo, sen deixarse seducir nunca polo engado do poder.

HOMENAXE A XAVIER RODRÍGUEZ BAIXERAS



RIBADEO
Sábado 2 de xuño 2012